



津報

西歷一千九百五年十二月十七號

◎本館開設天津宮北大街路西◎電話第三百九十號◎

售本埠 零售每
銅圓二枚○每月小洋六角○全半年三元二角

所本登韓載徵者文每大篇意曾已詳五九月不十登八者日恕幸不端還稿同持白有惠害大著爲之幸

本館置備機器鉛字各種花邊各樣

津永印書館廣告

代派南方報廣告 本館現承上海南方報囑爲代派有欲購閱者祈向本館送報人訂定可也

天津

石印局

鉛印 石印

開界 租金

可也	種花樣雕刻各樣照相銅版	玩畫商牌及貼壁各單圖	學堂教授除書暨體解剖繪圖	法傳科取器價外略銀	件俱全各種洋紙零整批發	完美價值物從廉定貨大期	鉛印運到機器來津添選精良	日本局向在日本開設多年所有
中東石印局啓	士商購定請至本局面議	蒙印古書及肖像金卡紙各	臨摹股票各種票列於後	分文所辦各件開列於後	倫敦購辦機器並售願將印刷器	亦致細保等顏料鮮明形	工兼刷工藝材料不敷切	一切工藝無不精製

奏辦河南協捐大彩票頭彩四萬元本月初九日開彩
本號各種彩票均已售罄茲有河南彩票仍存無多如有志得彩者請祈速購是幸浙江票號單並各新票不日即可到津倘有萬
批零沽價值定能相宜特此廣告
天津大獅子衛衛公益仁南味坊謹白

◎上海商務印書館專售鉛字銅模印書機器洋紙廣告◎

本館開設上海棋盤街中市專售各種印書機器及頭三四五六七號全副活字並精製銅模鉛板印字器件一應俱全發兌各色洋紙譯行華英讀本字典學校課本各種實學新書精印中西書報各項文件又延請日本東京名手專製電氣照相銅板五彩石印工料精美久已中外馳名如欲辦機器銅模鉛字及託印書報批購書籍洋紙等價目克己以廣招徠此佈

擇於十一月初一日開張

上林春酒茶樓新張廣告

蒸開酒以合歡適口宜期玉饌茶能療渴佐食貴有紅綾木樓開設法租界櫟仙茶園左鄰膳夫聘自上海餅師選從江浙精製中華華味各國西菜新式麵食大小盤頭各色洋酒中外名菜味兼華洋

開日夜咄咄立辦招呼通靈加以淨人明窗避俗無須居竹吟風弄月賞心任便移花食品可人價値克己預此報聞

教育雜誌
直隸學務處編輯現已出至十二期官書局孟晉同文各書坊均行代售
每冊二角全年二十冊共價大洋三元二角

新到倫敦大印字機器寄售

今有友人從倫敦運到大印字機器全部係頭等貨物
書印報精捷非常高出日本舊式印機十倍其價
甚已茲託本館代為出售如有欲購者請向顧購
望移玉至本館帳房面議可也此項貨物由天津在倫敦訂購至速亦須四個月方能運到茲有現貨可售是極好機會諸君慎
臂失之切盼切盼

本館謹啓

上林春酒茶樓新張廣告
 法租界橫濱花園大盤頭上洋館開設從上洋館中
 味各國西菜新式麵食大小盤頭各色洋酒中外名茶味兼華洋
 聞日夜咄嗟立辦招呼通靈加以淨凡明窗避俗無須居竹吟風弄月賞心任便移花食品可人價值克己預此報 聞

教育雜誌
 直隸學務處編輯現已出至十二期官書局 孟晉同文各書坊均行代售
 每冊二角全年二十冊共價大洋三元二角

本報要目

●十一月二十一日第六十六號
●論說：論振興工藝當師周禮之精意
●專件：美國農學發明新肥料說略
●各省新聞：東撫札釐金局文（為洋商在內地開設行棧轉賣聯事）
●江督咨戶商兩部文（為請將鴉片歸官專賣事）
●各國新聞：美國本年產棉總數
●奏議：商部奏籌辦廣增鐵路擬准先行立案摺
●△順天學政陸奏整頓學務摺（再續）

論說

周禮太宰以九職任萬民其五曰百工飭力八材考工記云審曲面勢以飭五材以辨民器謂之百工鄭司農云審曲面勢謂審察五材曲直方面形勢之宜以治之及陰陽之面背是也春秋傳曰天生五材民並用之謂金木水火土也蒙嘗泛覽冬官全冊畧瑣碎之考據而求製造之精意則百工之事惟此審曲面勢飭五材而辨民器二語足以概括之矣即今日西歐東瀛工藝之事日新月異而所謂六十四原質及一切動植物礦三

界之一名一物亦不能外此五材也五材即五行之說洪範五行爲吾國經訓之奧旨近世治新學者辭而闕之謂五行非通儒所宜道其言甚辯愚謂言五行而講生剋配合則近於迷信若精求製造深研理化則此五者何一不足供考究之資況禹貢六府孔修即謂金木水火土穀也蓋所云飭化八材鄭注以爲珠象玉石木金革羽又以切磋琢磨刻鏤剝析八字分釋飭化之義其實亦不外五行耳考工記正其名曰五材而以審察曲直方面形勢定爲百工之職此實貫古今中外百世不易之定理吾國欲振興工藝苟於工場集會之所講明審曲面勢與夫飭材辨器之美日討國人而申做之則於百工之事思過半矣

考工記又云智者創物巧者述之守之世謂之工注云創物謂始闢端造器物（闢開古通用）守之世者謂父子世以相教也今西國工藝器械之學所以精益求精家自爲教人自爲師不成絕業而止者實賴上之有以鼓舞之耳法國前王泰理曼氏下令國中凡能創新法製新器者考驗得實獎給金牌許以專利年限他人不得仿造其有重規疊矩之器非經年累月

不能成者往往父傳之子子又傳之孫積數世之精思毅力破數百萬之雄資巨產而無悔意無吝色者彼豈別有肺腸別有嗜好哉亦以一旦事成便民適用而已亦享無涯之利與不朽之名而已甚矣國家之法律公而號令一有以爲感動輿策之也然此項法令實爲三代以前中國所固有之物而吾國凡百工藝器械反相率而安於窳陋託名於大巧若拙沿誤於高會規矩拘守白制而不敢稍事變通若與各國以工藝相戰則此輩垂弓和矢之子孫反退處於必敗之地吁可慨哉吁可恥哉

庚子以後我國政府鑒於前失特開商部廣設商會開屯蒙之風講實惠之術又因工商相維繫工不興則商無所事於是竭力振興工藝京師地居首善北洋賴有重臣凡所謂考工廠保工局勸工會社工藝官局工藝商局商工陳列所諸名目更僕難數締造建設不憚劬勞時甫五載煥然勃然改易視聽東西各報輿論贊頌誠維新之現象文明之代表也然邊僻之省會樸陋之郡邑其安於窳敗如故也即考工工藝諸局廠之當事者非不苦心經營然多沿流味源披枝忘本徒馳騁於東西列強之新政新藝望洋興歎冀能得其形似粉飾承平殊不知周禮一書大舍無外細入無間歸而求之無一不具故敢揭其大旨以爲芻蕘之獻并附於春秋責備之義云爾

譯件

日本煙草專賣法（十續前稿）

第七十八條 凡有第七十條第一款所載之物件者以明治三十七年七月五日爲限有第七十條第二款所載之物件者以明治三十八年四月五日爲限一律將其種類數量等呈報政府設有逾限不報而擅藏上開各物者照第三十六條與第六十條例懲辦

照前款例業經呈報後暫行藏匿者不得援照第三十六條與第六十條例辦理

第七十九條 凡有第七十條第三款所載之物件者當於明治三十八年四月五日以前將其種類數量等呈報政府設有逾限不報而擅藏此等物件者當照第五十六條例辦理

第八十條 照第七十四條例將該條所載各物呈請收買之時凡製造煙絲以外之製造煙草業者應於明治三十七年七月五日以前製造煙絲業者於明治三十八年四月五日以前行之

第八十一條 照第七十五條例呈請給予償金之時凡製造煙絲以外之製造煙草業者當於明治三十七年九月三十日以前製造煙絲業者於明治三十八年六月三十日以前行之

第八十二條 於本律施行之際現在製造煙草煙絲爲業者

以明治三十八年三月三十一日爲限凡從前所製成之煙絲所有價實買賣保有等事具不必遵照本律

政府於見爲緊要之時得以頒布命令以定前款所載之煙絲封皮式樣並加貼憑證

有不照前款例遵守命令而擅改封皮式樣及不加貼憑證者將其所製煙草照第三十四條及第五十七條例辦理

（未完）

專件

美國農學發明新肥料說略

摩爾氏得新法使微蟲有增力之能又欲得一法可以運於遠方以便購用之人其法蓋若即以微蟲引於無淡氣之物上而使之僵蟄又以流質滋潤之更令復蘇如用棉花一小方能引億兆之微蟲於其上運至各處再浸入一種流質內是也

此新法實爲摩爾在農院所創獲乃既得專利文憑旋即以贈農部公諸全國之農人若摩爾者亦一偉人也哉倘欲私之以爲一人生財之具則較前此兩德人之富當更甚也故美國農部特誌錄於新報凡欲試肥料者許由國家致送不取價值其肥料足敷四愛格之用皆摩爾之賜也

農部所發之新肥料計有三事其第一號爲棉花一片已飽食數兆微蟲而乾者第一號第三號則皆喂養微蟲之物用法刊於別紙隨份附贈而摩爾之文憑儼然在焉文憑爲七十五萬五千五百九十九號一千九百零四年三月二十二日所發也

農夫既得此物後即以一軋（一軋合水六斤）清水或澄淨之雨水置於桶中用第一號之物入之內爲鹽類品粒糖及鈣磷養四與鎂磷養四攪勻之使融即以第二號有微蟲之棉花浸入用紙蓋之置於溫和之地不可再受他熱至過九十八度（與人身熱同）凡歷二十四小時再以第三號之物內爲輕四淡三養四加入再歷二十四小時俟水面發酵如霧即其可用之時也

用法有二一拌種之法取植物之種以有微蟲之水拌之適足令潮潤均勻爲度俟乾後待時而種之農院所發者能貯數月之久而不壞但既入水之物則不可逾四十八小時之久而不以拌種也二和泥之法取應用之泥以有微蟲之水和之亦令潮潤均勻爲度而不得過溼再以四倍五倍之泥融化之再取而播散諸田中使有浮面一層即以犁田器翻之以上兩法隨人便用約每份僅數四愛格之用是納於小佩囊中之區區而其力量則數車之尋常肥料不足以勝之吁亦異矣

且美國國家之費於頒發新肥料者其每份不值美金四分是每愛格（每愛格合官地五畝）不值一分也而農夫得之足以省去三十金之費用此物之收效實出意外倫多（英國哲學家一千七百六十六年生）尙在則必取人口與地力之比例重行推算而向以人口日衆地力所生之食料不足以供給者將自悔其失言矣蓋同一種同一地而肥瘠之不同有霄壤之隔尤奇者如豆類未有新肥料之時所得五百八十一磅既有新肥料之後至四千五百零一磅草類未有新肥料之時三

ANNOUNCEMENT.

We have the pleasure to announce to our foreign friends and our English speaking countrymen, that we shall in the near future insert the important news and articles in a special calum of our paper in the English language.

請看請看

無新肥料者 有舊肥料者 價值所加之美金圓數

棉花 九二二磅	一三八四磅	四四元六四
薯蕷 六七四磅八	一〇二四磅	一五元
苧麻 八四四磅	一三三四磅	九元
小麥 四四四磅五	一三三四磅	九元八五
高粱 一八四四磅九	一六四四磅	六元五

新肥料之微蟲不分五帶之地而須知祇有豆類能得直接之利益他物則爲間接凡地中淡多則不必加入土之愈薄者則奏效愈大摩爾之試驗取經火之玻璃屑毫無淡氣者以既和新肥料之豆種植之生發甚茂可見微蟲所吸乃空中之淡而不待土中所有也

在美國境內無論寒熱皆所應用而各邦先聖之地實已漸致瘠瘠歲收之數不足取給今則有此新肥料而無數田主將如貧兒之暴富其能有益於世界者尙不可知而要之結果所在必有絕大之希望也

（未完）

宮門抄

十一月十九日 理藩院 光祿寺 八旗 兩翼值日無引見 壽者假滿請 安 良泰請假十日 召見軍機 土觀呼圖克圖 召見軍機 左孝同 無閣抄

諭旨

十一月二十日京電本日 召見軍機 左孝同 無閣抄 硃筆圈出熙麟署湖廣道事務劉學謙署江西道事務欽此

官電

十一月二十日下午十一點鐘鎮江來電 浙撫張俊帥十九夜乘輪過鎮

東西要電

西十二月十四號東京來電 日本議院中銀行 日本大藏省提議擬在第四期會議以前設立中日銀行專由中日兩國招股開辦該銀行以發行軍用手票為先務

中國湖北留學生聯學 留學日本之湖北學生四百餘人現皆轉學留學東京議事

西十二月十四號柏林來電 德大臣不願就那使之任 德大臣司徒畢爾君前奉派充那威公使彼殊不願

西十二月十五號倫敦來電 英國輪船公司之新航路 英國汝尼司輪船公司現開一新航路由倫敦至橫濱經哈爾濱 布恩歐司 阿爾斯 威爾巴爾塞等處

德相宣言 德國首相步祿親王在議院宣言德政府并未設計與英政府尋釁甚願彼此和睦英皇前與德皇稍有意見皆為浮言所惑云云並以自由黨散佈謠言謂德國欲與英國開釁致啟英人之疑實堪痛恨

英爵結婚 英大臣考利伯爵現在克倫布地方與哈爾德普結為婚姻

西十二月十六號倫敦來電 俄國公使被火 俄國里葛地方之公所忽遭火患該處居民相率逃避現已頒布軍令又於街市中設防禦然兵力軍微無濟於事 記者按里葛為俄國三大良港之一濱臨都納河

要聞

俄使力請贖回東清鐵路 探聞近日俄使璞科第屢向外務部勸請贖回東清鐵路並謂此路為滿洲全部之關鍵一入他人之手則利權盡失又謂某國財政困難若與提議此事不難就緒將來贖路之款如有不敷俄國可向美法二國代為商借云云外部意見如何尚未探悉

請定藏約續聞

日前駐藏議約參贊張京卿電請外部速定藏約已紀本報茲探聞王大臣會議以西藏賠款一節尚須磋商唐侍郎擬即於日內與英使提議云云

按中英藏約至今不簽押實因賠款未議定也本報前紀西藏賠款二百萬兩須一次付清及某報載藏約賠款英金一百萬鎊之說皆不可據

再紀外部索償海參崴華人財產

海參崴俄兵作亂華人損失財產七百餘萬兩前經外部與駐京俄使一再交涉按約索賠俄使不允認早紀本報茲聞外部曾電飭駐俄代理公使陸參贊向俄外部交涉日久未覆日前始據電稱俄外部現已電飭海參崴俄官查辦此事俟覆後再行斟酌辦理云云

贛撫請開龍開河為商埠

日前贛撫胡中丞電商外部兩部以江西商務日興擬在九江龍開河 西岸 自開商埠 以保利權請核示等語聞外部兩部已電令籌備的款奏明辦理云

京縣添設裁判官

聞政務處會議以京縣地居首善訟務殷繁應添設裁判官於順天候補人員中遴派熟諳法律者會同印官審理一切詞訟案件不日咨行順天府尹查照辦理云

本埠新聞

車站紀事 海城縣管大令派差來津購辦快槍五十枝手槍六枝子彈三萬枚棉軍衣一千套於二十日運往奉省又南非洲送回工人四百餘名有二百人至湯河下車餘二百餘名均於十九日到津又黃慎之學士於十九日由津進京

示諭衛生 衛生總局為嚴禁事照得本局查有天津屠戶由河南山東一帶販運牛隻來津宰賣沿路之因染牛瘟死者甚多病者亦屬不少而各屠戶希圖漁利仍然宰賣將價值分為兩等死牛每斤賣銅子五六枚病牛賣銅子八枚在西門外一帶出攤賣肉而食肉者不顧染病食賤賤衛生除密查究辦外為此仰屠戶人等知悉自示之後倘仍敢將死牛病牛圖利宰賣一經查出立即重辦決不姑寬懷之特示

送還使女 二局二區巡警於日前在侯家後見有少女年約二十歲上下形迹可疑向詰據稱係洪觀察家使女因抱女公子誤跌於地恐遭責罰故潛出逃避該巡警當即帶同稟明巡官韓景和君訊明飭送還公館旋由洪觀察賞洋二元以酬其勞

擬開馬路 北五省師範學堂現已興工建造房舍惟該處道路向多凸凹不平擬由署建起開修馬路一道直達學堂之前以便出入

追還善款 廣仁堂有發典生息善款二萬吊自庚子亂後凡未歇業之典均仍舊交息惟已開歇之萬合萬全承慶義豐等典各欠善款四百餘吊迄未還清昨善堂總辦函達縣尊請派差傳案追繳以重善款

嚴緝逸犯 前有李長富侵吞坤記煤局洋一千八百餘元并偽造圖賴經巡警總局迭次在案昨十九日職員蔡大令提李覆訊據得填寫偽據係伊子李大舉所為當即票傳到案訊已得信先嚴因將李管責二百板管押并飭差嚴緝李大舉務獲

繪圖學生回津 前兵備處測繪司選派學生二十餘人往張家口外測繪地圖現已事畢於十九日回津

查獲搶犯 前有工人趙長春由南非洲回津在船上被人搶去金磅六十枚旋該匪等於十九日來津在火車站被鐵路巡警查悉隨即拿獲李文玉崔田武張廣玉三名送往保工局訊辦

小學堂招考 河東三皇廟設立小學堂一所招考學生一百五十名所有齊舍已經修理齊整定於二十一禮拜日請西方蒞臨開兩學堂教習于君日敏顧君麗泉諸堂考試分別去留

嚴懲誣告再誌 前紀嚴懲誣告一節茲悉十九日縣尊唐大令又提楊覆訊據供交之楊某現因病不能到案有抱告家丁于升候質大令以楊某挾官圖害情殊可惡遂將于管責數百板以示恥辱並罰上等訟費暫准完案

斥革巡長 二局一區巡長安玉桐因犯規於日前為巡官張君查明照章斥革

火災未成 官汛後王姓家於十九日午炊遭火積薪登時烈燄上炎幸經與捕傳知附近之湧濟水會飛馳灌救始獲撲滅然室中所有陳設已焚燬殆盡矣

更正 前報紀指控差役一則今據本館訪員面告云原告日本人指控某甲之稟內並無探訪局差役字樣前係傳聞之誤合亟更正以昭確實

北京新聞

議加軍機大臣辦事經費 探聞政務處王大臣會議以軍機大臣多事用繁每月宜增加辦事經費若干兩以資費用將來各省每年應奉水炭等費名目即概行刪除以端政體

曾欽使有補商部右丞消息 駐韓大臣曾欽使廣銓現因各國撤回公使中國亦照各國辦法改設駐韓總領事遂料理一切於前日回京聞政府有以商部右丞留京簡用之說

分科大學將次興工 學務大臣奏設分科大學已紀前報現聞奏調監督工程之朱觀察啓鈴已於十六日到京謁見學部堂官稟商一切以便擇地興工

議駁省移款鑄錢銅元 據戶部中人云日前江督周玉帥有摺到京奏請就江南銀元局添鑄新廠鑄錢銅元惟現在置辦一切實屬無款可籌擬將省應撥各項雜款暫緩解部移作銅元局開辦經費俟有盈餘再行陸續解交等語現經戶部議以該錢銅元雖係要政然此庫款支絀之時所請移撥各款礙難照允已定議奏駁矣

電請派員勘定通商口岸 探聞外務部日前有電致奉天將軍趙次帥大旨以奉天各處通商口岸應即派員認真查勘酌定開作通商口岸以便振興商務云云

政務處查取供事 政務處以現在公牘紛繁所有籍籍人員不敷派用擬查取各衙門檔法端正之供事五十名到處任事并擬每屆三年按照軍機處章程奏保一次以示鼓勵

添募巡捕 內城工巡總局以時值隆冬地方繁要亟宜添募巡捕以資保衛現出示定於本月十七日起至二十日止無論八旗滿漢漢兵丁閑散人等均准報名其在二十五歲以下者為合格共挑一百六十名於二十日彙齊名冊呈送警部以備定期挑選

警務學堂畢業演說 警務學堂畢業典禮已載昨報茲又由駐京訪友錄得當日警部徐統領兩大臣演說文如左

徐尙書演說文 都中警務為全國之領袖設或辦理不善則各省必望風而效

尤此京中警務所以尤為緊要也今日各學生畢業警學問諒有心得現即充當巡捕益宜勤加奮勉須知全國警務全在爾等身上勿存自私自利之心勿作自暇自逸之舉勉之望之 統帥即演說文

巡警之設為保衛地方起見非特闔閭喧闐之際巡捕有檢察之司即閭閻家庭之中巡捕亦有稽查之職所以警務之關係於百姓者誠非淺鮮也巡警辦得妥善則百姓受其益民視之如父母警務辦得不妥善則百姓受其害民視之如讐敵爾等學生既明警察學問其於保衛地方之處必心有所見地況巡警設部以來破格用人者不少如外城西分局巡長已拔充委員內城西局巡捕已充當警巡各學生如辦事勤能動勞卓著者定能由次遷升將來尙書侍郎亦是各學生之位置務望各生勤加奮勉勿以巡捕之職為卑陋云云

本省新聞

請以地租作學堂經費 有保定紳士朱廷楨前具稟省城工巡局請將前次修理道路所拆之五道廟地基招租充作商業學堂及閱報經費等情已奉批示准如所請惟該院街五道廟商家墊有公款應先准其收房租二年再交該學堂出賃收租方於學界商情學界兩有裨益聞該紳已遵照辦理矣

小學堂將開學 省城院署東河間公立小學堂昨招考新生錄取二十一名已於十九日午後在本堂復試以便擇期開學

官場紀事 藩臺毛方伯於十八日上午赴西關農務學堂答拜孫鎮軍道仁

豐潤縣知縣馬大令為要公於十八日乘坐火車來省赴藩署稟見

續保定土藥局緝私章程 一外省土藥稅釐章程不一有三項統捐出省概不重徵者有逢關納稅遇卡抽釐者有在完過稅釐運至他省仍須納稅一道者章程雖各不同總以徵足三道為度粘貼印花為憑如遇外省土藥稅釐詳細考驗印花票據何省分按照部章分別辦理如果關釐與落地稅三項徵足驗明放行倘三項之中或但徵其一或僅徵其二均須飭令補交落地稅一道若無印花票據即係私土照章全數入官不得徇情輕縱亦不准格外苛罰 案本年奏設張家口等處土藥專局稽徵外省土藥案內續擬章程第一條聲明應查明欠完何項稅釐即令照直省章程補行完納等語嗣後自應查係未完落地稅之土方許照徵不得專計道數以符奏案其已完納稅釐之土則無論原單票中是否註明落地稅字樣但實係完過稅釐聲明照章出省不再重徵其單貨斤兩相符則無違礙情事即應查驗放行以免錯誤 一私土變價必有買主交稅一道歸入正稅造報再將所變土價一半充公一半充賞惟充公之款各按二成五分別支解歸入罰款造報至於私土入官之外另行罰稅及加倍補稅者一併歸入罰款造報解不准混入土價充公賞 案從前各州縣帶徵土稅不支薪水是以充公之款全數報解 一各分局各州縣向係按月造報遇有緝私罰辦之案除照章造冊外每起取具本人甘結一張附入罰款清冊以便查核如有違例苛罰一經查出或被入告發從嚴懲處云云

以上章程八條係籌款局就前土藥局原有章程採擇刊行省內有與現在情形不合之處故加用案語以便通行照辦現值整頓土稅之際用錄一通以供眾覽

上海南報

本報論說皆就目下世界學界重要問題切實研究立論必根據學理立憲一事為今日最要問題本報持論尤多注意此點 閱者大為研究政治之助

本報新聞其最要之件隨時由訪員專電故每日必有本館特發之專電數條為他報所未有

本報為國文論說之外並有英文論說一門為中國報界前所未有

本報特設白話論說一門立論明白淺顯委曲易入最便婦孺

本報每日附印小說一頁或譯或撰不拘一定大要以開智怡情為主其文章筆傳永思思想淵微大可補正言莊論所不足

本報所登事件皆由輿論而來其中關繫世界重要之事實甚多閱者可留為研究政治之資料

本報特設描畫一門凡名人勝景及有關係之圖畫本報定期刊登以供 閱者賞心悅目

本報設雜俎一門凡掌故遺聞清談雅譚擇尤登載 閱者大為消遣茶餘酒後之具

綜斯八條皆本報獨有之特色蓋本報內容豐富以日報而實兼有旬報月報及專門學報白話報之長

救世活人

此藥能培養血氣壯筋骨平肝火滋腎水補肺氣凡一切虛勞傷損元氣不復元者服之立見奇效本行此方得之異人授受不惜工本採辦高麗參鹿茸燕窩等藥精製而成其功甚速凡患此症者服之無不立見奇效

天照前此藥以不濟世為懷本行不忍坐視特將此方公諸同好凡患此症者服之無不立見奇效

此藥之功用能補血氣壯筋骨平肝火滋腎水補肺氣凡一切虛勞傷損元氣不復元者服之立見奇效

此藥之功用能補血氣壯筋骨平肝火滋腎水補肺氣凡一切虛勞傷損元氣不復元者服之立見奇效

不老益壽散

方仙萊逢

夫自古迄今男婦貌之美者皆由血氣充足而後生於天姿而後修飾亦由人力也此膏能潤皮膚去風塵治雀斑汗斑等症且有黑髮生髮之形此膏變顏如玉能令人見而愛慕雖老而顏如少年男女天姿既美若加以修飾豈不愈見嬌艷耶婦人洗面後先敷此膏後再敷粉光潤細嫩迥異尋常尤有要者冬令嚴寒之時用此膏敷於面手之上絕無凍裂之患如已患凍裂敷之立愈此誠不可多得之妙藥也

蜜坤丸

崇治婦科百症百發百中

至親骨肉須知此靈藥

生香膏

夫自古迄今男婦貌之美者皆由血氣充足而後生於天姿而後修飾亦由人力也此膏能潤皮膚去風塵治雀斑汗斑等症且有黑髮生髮之形此膏變顏如玉能令人見而愛慕雖老而顏如少年男女天姿既美若加以修飾豈不愈見嬌艷耶婦人洗面後先敷此膏後再敷粉光潤細嫩迥異尋常尤有要者冬令嚴寒之時用此膏敷於面手之上絕無凍裂之患如已患凍裂敷之立愈此誠不可多得之妙藥也

潤肺止咳散

人之一身皆以肺為本肺氣一燥百病叢生咳嗽雖微若緩治之則變為哮喘肺癆難治之症此藥實稱潤肺治嗽第一良藥無論內感外發症之輕重收效如神貴官紳商須知此散藏之可以備無患矣

天津官北大街同德洋行藥房

新接各報

本報新開天津與華北各埠定先後擇期出版

○本報新開天津與華北各埠定先後擇期出版

○本報新開天津與華北各埠定先後擇期出版

○本報新開天津與華北各埠定先後擇期出版

代抱不平

人生在世誰非父母遺體貴賤固有不同骨肉無非一律惡毒凌虐婦女之輩多矣如張四寶該禁近來妓女服毒自盡之事時有所聞母亦人天良何在天津南道惡毒之徒竟敢將妓女紅寶凌虐致死其情狀確鑿更有屈鬼顯靈鳴冤已登前報該報非但不知深加愧悔竟敢以病死出辭母老惡極於此可見鬼魂既有靈報復何難如紅寶之冤何以不報復之

惡毒母老惡極於此可見鬼魂既有靈報復何難如紅寶之冤何以不報復之

惡毒母老惡極於此可見鬼魂既有靈報復何難如紅寶之冤何以不報復之

北京華新書局告白

本局為推廣教育起見特將小學教科書及教育學等書以低廉價格發售

本局為推廣教育起見特將小學教科書及教育學等書以低廉價格發售

本局為推廣教育起見特將小學教科書及教育學等書以低廉價格發售

天津育教陳列館廣告

本館為推廣教育起見特將小學教科書及教育學等書以低廉價格發售

本館為推廣教育起見特將小學教科書及教育學等書以低廉價格發售

本館為推廣教育起見特將小學教科書及教育學等書以低廉價格發售

恒豐洋行

本行向在天津香港上海均有分行專理荷蘭國製各種機器並承接水陸運輸貨車輪船等件以及挖河捕魚大小輪船無不具備且有頭等機器師精通測量形勢歷有年所來如蒙賜顧請駕臨敝行機器房面議庶不致誤

恒豐洋行謹啓

各省新聞

交涉

●東撫札釐金局文(爲洋商在內地開設行棧轉賣聯事)
爲札飭事案准署理兩江總督部堂周來電以據鎮關電復
洋商在內地開設行棧轉賣聯事均屬違約已函英領事查禁
並將立生利源兩行逾限單貨究係何關發給詳查電復飭關
究辦等因到本部院准此當經將報單照逾限日期電復查照
除據該局詳請查復並分行外合行札飭札到該局即便轉飭
查照此札 (山東)

附周玉帥來電

楊運帥鑒接電當轉電鎮關茲據該關復電云遵查亨得利
義泰生振興昌振興祥係英商快安快美係日商寶得新鎮江
無此商行惟洋商在內地開設行棧及轉賣聯事均屬違約
章除函英日領事查禁外請電東撫轉飭鎮關縣速將亨得
利等七行一律押閉並禁售聯單山東姜溝釐卡所扣英商
立生利源兩行逾限單貨究係何關何時發給何號聯單赴何
縣採辦何貨何時在縣換照起運如何逾限請一併電致詳查
電覆飭關究辦云請察核辦理見復復敬印

楊運帥覆電

周玉帥鑒敬電謹悉立生行於二十七年五月十三日赴聊城
購黑黃字一千二百三十六號報單一紙照限是年十一
月十七日爲滿期源行於二十八年七月初一日起赴東阿購黑
黃字一千二百三十六號報單一紙照限是年十一
正月初五日爲滿期係鎮江關發給並未換照計逾限均在一年
以外已委員前往確查以便核辦詳另覆印

英領事請緩禁牛隻出口

上海道稟奉南洋大臣周玉帥
諭令禁止販運耕牛出口已咨行常關一體刊發傳單通知
洋商遵照一節已紀前報茲悉英領事密爾慈君以英人採辦
牛隻預備出口者甚多驟然封禁殊出人情之外特商請常關
道寬展期限再將禁牛出口章程實行 (鎮江)

美領事照會嚴緝揭帖匪徒

粵督岑雲帥接廣州美領事
照會署謂近來外間有匿名揭帖及投函領事署時來恐嚇請
爲查禁等情當經札行地方官嚴行緝拿矣 (廣州)

學務

◎組織商務半日學堂 錦州大學堂經理人趙君禮南因堂
中常年經費均係出之行商實不能不有以酬報現擬組織一
商務半日學堂專教英文日文算學理化兼習商律商報以期
教育普及及所有一切課程均由大公學堂各教員擔任義務凡
係商家子弟年在二十歲內外者均可報名入學每日授課兩
點鐘不取學費聞商界中已有踴躍從事者惟學舍
不敷故一時尙難開辦 (奉天)

第二小學堂開校

錦縣王大令在凌川書院內設立錦縣
第二小學堂於上月二十五日招考計額三十名已於本月初
二日開校 (奉天)

◎選派留學監督 江督以邇來江蘇學生留學東瀛者日盛
一日深恐無人監督流弊滋多爰委江蘇候補道梅觀察赴
駐東京充當監督觀察已乘輪東下不日即當出洋赴差矣
(江甯)

軍事

◎甄別武備學生 練兵處咨兩江督憲略謂貴督咨送武備
學生周應時等七名聽候選送洋肄業隨冊到本處考試
該生等品格出身體格文藝學業周應時程晉煥黃湘元三名
均屬合格堪以選送黃煥元體質不合王世忠王力肺量不合
杭慕信劉靖靖力不合未便派往除黃煥元等四名每人酌給
川資銀洋二十五元共一百元飭令回省學習該項川資並由
江督解款時搭附補解以重軍需查照 (江甯)

咨催陸軍學生赴東

湖北前派日本留學陸軍諸生以日
俄戰事未終當時無學校可入故爾回國者甚多刻和議成後
駐日楊使已准日政府知照仍舊刻下調查鄂省尙有二十二
名未往(內有師範等十二名)已函請該生等速來聯隊星使乃咨請
鄂督催令各生迅速赴東鄂督接查後即飭知學務處遵照已
由學務處列名榜示俾各生如期東渡矣 (武昌)

財政

◎請領銅元祖模 撫部近奉財政處咨以各省鑄造銅元模
式參差不一酌定劃一辦法將各省所鑄銅元舊模全行停
廢由戶部頒發祖模以歸一律云云運帥以東省銅元甫經開
鑄未便久停已派委張刺史百城前往請領矣 (山東)

江督咨商兩部文(爲請將鴉片歸官專賣事)

查印度
洋藥販入中國以來內地之民嗜好日益深流毒日烈前此
禁令不行反召外費禁亦旋弛而洋藥入口稅遂爲歲入大宗
論者皆謂洋藥應加重稅而赫稅務司且謂土藥稅亦應加
重各省議論不一或謂將鴉片歸官專賣或謂土
藥各處通行易漏難加不如洋藥專賣輪船易於查數惟自與
英訂約稅釐併徵之後若再加多恐非急切所能定議然現在
籌款艱難幾於羅掘俱窮論者皆謂宜從土藥洋藥設法並有
謂先將土藥酌加然後再與英議始免藉口土藥加稅之法必
仿印度歸官收買然後可辦若到處設卡無益於事然欲知印
度辦法非派專員切實考究不知詳細凡私家紀載僅得零星
星報日記仍未詳明本署大臣於今年三月委派鄭道世瑛赴
錫蘭印度考察茶葉餉其併將印度洋藥徵稅辦法查明具報
今回甯銷差已開說帖前來又接註印度與英議西藏約事唐
大臣函開印度養陸軍二十二萬五千其兵費半取於洋藥地
稅洋藥出口稅製藥官廠三處專指此三項爲練兵之款綜計
近十年之數共約稅二百四十三兆兩有奇是以減餉向侵演
邊倡聯軍攻西藏其餉食中土之策皆印兵是賴印度養兵之
費非英人養之也吾國吸洋藥者養之也英人慮三島不足以
殖民將以印度爲立國之中心點而以藏地屬爾喀緬甸暹羅
巫來由阿富汗爲附庸內顧中華又注目於川黔兩粵即將洋
藥所贖之印兵爲之前驅溯自洋藥弛禁以來前後交涉涉七

十年英人獲此利益我國久墮術中惘然不知言之滋痛等語
又查二十年前前大學士直隸總督部堂李曾與英使定議將
洋藥歸官收買由中國設法緝私英國准按年遞減至若干年
停止議已垂成聞有人言歸官收買有失政體議遂中輟蓋不
知印度辦法亦歸官收買若不歸官收買加稅逾重偷漏愈多
現查鄭道訪略可以知其梗概惟茲事體大須由政府主持籌
畫本署大臣既有所聞不敢不據以奉告請煩查照核施行
(江甯)

籌解洋款

俄法英德各國洋款爲數甚巨此次冬季應歸
湖北認解者已由藩庫善後局江漢關等處竭力籌挪如數報
解矣 (湖北)

電提查抄巨款

周東生侵蝕國帑爲督奏查明查抄同受
株累者有傅氏潘氏路氏等人計抄得之款不下一百餘萬日
前大部電達督署令將此款全數解部不能移作別項開銷聞
其原因督署原謂周侵蝕國帑甚多即洋藥一項已有百餘
萬約計總數不下二百六十萬現值練兵處需款孔亟如准查
抄即將此款儘數解報練兵處充作餉項故部中電致督署有
不得移作別項開銷之語 (廣東)

路礦

◎德商違章開礦 華德礦務公司在章邱縣境之陸里莊租
賃房屋私行採礦未經會同路礦總局該局委員查知特行致
函詰問現公司總辦舉象賢君自知違章因到省謁見運帥與
路礦局總辦洪觀察道謝認錯並謂嗣後必照章辦理云
(山東)

沂水礦務轉已結

沂水縣紅石橋地方逸信社孫姓礦
地被德人侵佔一節曾誌前報現經沂水張友農大令與公司
督辦庫巴斯君議明侵佔之地給價賠償以後凡未曾租買之
地概不再行探採 (山東)

鐵路委員勘丈地段

甯滬鐵路經過鎮城附近各地均已
給價購定開工築造惟西南鄉九里一帶地段尙未開局收買
該處係向容縣所轄王大令已於本月初旬會同鐵路購地局
委員章別駕前往勘丈矣 (鎮江)

擴充工藝

大公學堂趙君禮南等曾在北門開設富華縫
衣公司現擬擴充紡織特在天津第三半日工廠聘定工藝學
生陳馮二君到錦以備教授 (奉天)

東昌改良種棉紡織辦法

東昌魏太守家驊前以堂館兩
縣棉花陋規由府設局清釐作爲紡織局常年經費業蒙省憲
批准開辦現在堂館兩縣各集均經派員設局抽取常年經費
有者太守特擬改良種棉及紡織辦法五條 一 派學生及工
人學習機器事務 二 購買各種機器 三 開設局廠 四 開
辦實驗種植所 五 派留學生往東洋學工科 以上五條已
繕具清摺稟請各大憲批示矣 (山東)

招民習藝

山東荷澤李大令近借城內江西會館創設傳
習草辦所擬定條規十八則出示招藝徒額設二十八年人在

十八歲以內九歲以上者爲合格四個月畢業如有習藝未精
者准補習二月如再不造就始行斥退其中應用木槌資
料均由本所籌備如有自願攜帶物料來學者亦聽其便業已
招齊足額聘請匠師於前月開辦或有距城遠之處來
城不便每集會酌派匠師携式樣前往授授以廣流傳
(山東)

留學生擴張實業

湖北留學日本工業畢業諸生回鄂後
組織一公立工業傳習所專習單簡手工兩學期畢業學費每
月二元額設一百名并招股二萬設華興公司試驗實行學界
同人悉贊成之現房屋已借定痘姆祠并稟請臬憲梁鼎芬廉
訪監督一切經理徐君自新先出資三千金擬章宣布大約明
正即可開辦矣 (武昌)

勸業場開辦無期

鄂省勸業場落成已久迄未開辦外間
均莫知其故茲探得的確消息係因赴日本採購貨品之范委
員鴻泰至今四閱月尙未言旋以致無貨陳列不克開辦
(武昌)

雜紀

◎登民歸述海參崴亂事 登州府屬商人在海參崴貿易者
甚多日前有福州縣人由該處逃歸據稱十月初間俄國戍兵
因和議告成求歸兵官允爲奉請旋奉批駁不准戍兵因而集
衆並邀匪徒作亂先行搶掠市肆繼復放火焚燒俄官出而彈
壓詎人多勢衆莫可如何火焚街市三日不息逃出商民十不
及一情形亦云慘矣 (山東)

繳捐起釁

近日松地洋價每元可兌一千另四十文而蘇
垣房租捐額定洋價每元祇九百三十文繳捐需銀洋與銅元
對搭然房租捐不滿千文者居多一半以銅元一千另四十
之價目核算一半以銀洋九百三十之價目核算立法既不能
平頗因之而起本月初四日東門外華陽橋顧萬源山貨店
因繳捐爭執起釁各戶齊赴西門外商會迫令商董林某馳謁
官長妥籌善策現正不知如何辦法也 (江蘇)

抗糧滋事

江西永新縣前因鄉人聚眾抗糧由張振之大
令飛稟到省請兵彈壓一節茲悉胡中丞已札吉安續備後軍
某營撥隊前往彈壓該縣抗糧鄉人一聞此信四處謠言謂省
中發兵前往剿辦遂聯合各鄉圍攻縣署多方要求甚爲激烈
並聞有警電來省云 (江西)

彈壓鄉民作亂

湖南寶慶府地居上游民情悍悍鄉間細
故動輒爭訟茲聞西鄉因秋收大歉入城報災求請免繳賦稅
其間有劣紳唆使致激大變聚至數千人四出搶劫一時民人
四散奔逃如達劇寇各會匪亦乘風起事其勢洶洶當由地方
官飛稟省垣撫憲應飭即開信即飭飭兵備處速調常備第一二
旗前往彈壓 (湖南)

哨弁正法

桂省衡軍中營哨弁李某某駐紮太平特勢橫行
無惡不作並侵吞營兵軍餉刻下經人控發丁軍門飭差官前
往太平提解回甯交官化縣訊押茲已訊得確供於本月初三
日由監提赴法場斬決 (廣西)

各國新聞

◎再紀各國撤駐韓公使 各國撤駐韓公使已紀前報現聞美國公使莫爾根君已於西十二月七號由漢城啟程回國德國公使撤爾德恩君擬於西十二月十五號從漢城乘坐兵艦由膠州回國英國公使則遵奉英政府訓令將使館改為總領事館俟一切事件布置妥協後再行回國 譯上海字林西報

◎韓京總巡官獲罪 韓國官民反對日韓新約之風潮至今未息日前韓京總巡官因倡議推翻新約為日本憲兵拿獲聞擬按照法律定其罪云 譯上海字林西報

◎日本艦隊分布各港 日本海軍省因戰事已平特下令將第三第四艦隊分布各港有裝甲巡洋艦八艘已分往指定停泊之處 譯上海太晤士報

◎美國進出口貨物之發達 美國度支部統計本年進出口貨物漲溢非常其額約值十萬萬美金在今年九月間估計進口貨原料額已有四萬萬三千二百萬美金出口貨約值四萬萬三千四百零五萬美金較前十五年於進口貨加二倍於出口貨則加至四倍可見美國國力之伸張有令人驚心動魄者矣 譯德文新報

◎美國本年產棉總數 美國紐約省棉花總公司現調查本年美國所產棉花總數共有一千零六十六萬七千八百一十八包在市中售賣每磅可得一分洋銀八分之五之餘利現時市價每磅可洋銀十三分零百分之三十二之譜 譯上海字林西報

◎俄兵又叛 俄國各處亂事至今未平現在俄國御林軍亦相率叛亂不遵軍令 譯上海文匯西報

◎俄國內亂變態 瑞典京城傳出消息云由該國開往芬蘭之船隻皆滿載槍械藥彈因芬蘭人紛紛購買即瑞典之老槍皆已售出芬蘭人會議時必持槍以自衛 現在聖彼得堡各戰艦已由政府勒令將槍砲藥彈全行交出該艦水手等叛亂時經俄政府派兵擊斃水手五十名傷一百餘名 譯上海字林西報

奏議

商部奏籌辦廣埔鐵路擬准先行立案摺

為籌辦廣埔鐵路擬准先行立案奏摺仰祈 聖鑒事竊臣部於光緒三十一年七月間接據考察商務大臣張振勳呈稱欽奉 簡命考察外埠商務兼辦廣農工路礦事宜業在廣州省城設立總公司查明在案惟事不一端力難並舉先其所急首重路權而路權之介於閩廣者則自廣州以達廈門實為通陸之要道查南洋華僑多籍隸閩廣今就其桑梓之區為開其利源便其行旅集款圖成計必易於激勵振動一再籌維難謂修築廣廈鐵路實足以上佐 國家要政俯順閩廣商情其路綫所經大概自廣州東門外起造至黃埔由黃埔經增城東莞

石龍鎮惠州府博羅縣豐隆縣境以至潮州而徑達福建之廈門是為幹路現在擬先以廣州之黃埔為首段業於本年二月間派員帶同洋工程師前往履勘地勢宏敞且濱海水深數十尺為香港輪船往來必經之途安設車站而外並擬按照山東等處自開商埠成案將黃埔一隅闢作商場建築碼頭貨倉無論何國載貨海輪均可停泊卸貨藉以稍分香港屯運之利權至該處民居廣闊悉可改越避軌道約計長可三十餘里地價工料等項估銀八十萬兩擬分作八千股每股銀一百兩專集華股開辦伊始恐信從不廣即由振勳先行籌墊以為商股之先聲擬具廣埔鐵路大概章程二十一條咨呈鑒核懇請奏明立案等因前來查臣部於上年八月間奏請 特派該大臣張振勳考察外埠商務兼辦廣農工路礦事宜原奏內曾聲明先令專集華股認真提倡選擇要地築路一段為程式等情業蒙 允准飭遵在案茲該大臣先請籌墊巨款築路廣埔一段鐵路基礎既立再行續招商展展造廣廈全路誠得提倡要領時值臣部署右丞王清穆行抵廣州遂電飭其詳細查勘修築該路是否合宜旋據電稱該大臣注意廣廈為維繫南洋閩廣僑商起見其以廣埔為首段意在振興商埠亦屬籌策並進之謀應亟妥速籌辦以符奏案等語臣等復與兩廣督臣岑春煊電覆互商茲據函稱鐵路商場均目前要政粵省為商務競爭之區辦理尤不容緩惟嗣後關稅如何徵收路綫如何取道至於廣廈鐵路連閩粵兩省亦應統籌全局詳核咨商各等語臣等伏查廣埔鐵路實與地方有密切之關係春煊函稱各節洵屬動中綽要擬令該大臣張振勳一面迅速招商集款一面迅將勘路收稅各節與岑春煊詳細咨商仍隨時咨報臣部核定以期妥洽至該大臣原送章程二十一條臣等詳加酌核與歷辦各省鐵路章程尚屬相符合無仰懇 天恩俯准先行立案以重路務如蒙 俞允當由臣部分別咨行遵照辦理再張振勳係奉 命督辦廣農工路礦大臣似無庸另給關防合併聲明所有籌辦廣埔鐵路擬准先行立案緣由謹恭摺具陳伏乞 皇太后 皇上聖鑒訓示謹 奏光緒三十一年十一月十一日奉 旨依議欽此

順天學政陸奏整頓學務摺

一各省府廳州縣宜令多設幼稚園以助之國民之格須基於家庭教育不足之處必須有幼稚園以助之國民之格須基於此 一地方官辦理學堂之勤惰歸學政考察會同督撫三年甄別應以設學學堂之多寡為州縣殿最若有成績異常及廢弛太甚者並准其隨時會同督撫分別舉劾 一各學堂積分表冊平日由學員審注若至學期經主考者試驗不符教員應有處分若至畢業經文部學政考驗不符主考者應有處分以上各節似可備文部編纂 一請特頒 明詔迅飭編訂教科書並頒發教授詳及教科書目以一指歸也現在各州縣蒙小學堂需用教科書甚急近日直隸湖北雖各有編輯成書呈學務大臣審定然篇幅簡無多不敷教授各省仿刻希圖射利所出之書體例多不完善宜 飭部臣多選精通學務之員擴充編書辦法先從蒙學下手並通飭海內學人及出洋明達之士分編各科學粗淺教科書呈經文部鑒定予以版權俾得專利或由 國家購回其版權速刊頒發各省廣為排印分行各州縣又各省有現行各種教科書及編勘善本亦可由學政選擇彙送文部審定編入教科書目以圖省便並應由文部先行刊佈各教科書目詳列提要以期傳布迅速至教授通法現在奏定章程太畧尤應迅速編譯東西各國中小學堂教授法專書參以中國現在情形由文部酌核審定一併通行各省備發州縣兼辦 一現在高等及中小學堂應請 通飭學政嚴行甄別以齊學級也從前學堂創辦伊始務廣招徠年歲材質不盡合格由高等以及小學堂名種雖別學生程度無甚差殊查定章蒙小學堂為普通學堂中學堂則漸入專門凡文理理科法律政治以及各種科學皆基於此今府治皆立中學堂邊郡士風僻陋勉強招集但求形似現在應即切實考察各中小學堂學生由學政隨時派員查驗如中學堂學生不合格者即令退入小學堂小學堂不合格者即令退入初級小學堂其各省高等學堂由學政自行查驗如有不合格者按其學級程度所至退入各該原籍中小學堂補習功課現在高等學堂合格之人極少應即暫改為初級師範或高等預備科俟各省府中學堂學生或高等預備生畢業再行舉辦高等學堂以符名實京師大學堂已經奏請暫改習師範及大學預備科應請即行 通飭各省一律遵照辦理不得濫混科級逾三年之後大學堂改建各分科分別專科教授各省高等學堂亦必實有成效然後由學政奏請 簡員會同考察送應於編訂則例內責成學政隨時認真清理各學堂學級以便升選不得再有參差以上各條臣等為統籌學務大局起見如蒙 聖明採擇 飭下廷臣議核施行學界幸甚是有當伏乞 皇太后 皇上聖鑒謹 奏

文苑

眉韻樓詩話(接錄昨稿)

愛伯師生日同竹簫書玉介唐三前輩光甫舍人秋田戶部醴金為壽愛師有詩曰次元韻云荷學先生今通儒閉門歌嘯同唐虞人間明明見歲星天上歷歷懸白榆年光如羽春風急生後東坡不十日(原注先生以涂月二十七日生)同人釀金用周禮蓬萊延閣多清秩坡公昔擁王子霞先生亦醉秦青家絲囊玉璽強一出錦鏐交射瓊筵花亦如人相媚嫵笑酌瑤觴麟脯侍女青鸞盡解歌秦軍銀鶴知能舞廟堂努力方用兵新羅坐帳十六城檳榔嶼上海氣惡宜蘭桂管皆連營吾儕戲效白鷗沒萬里封侯信無骨高冠大劍爾何人臣朔惟求斗升活千秋萬世自有真不煩避席稱主臣願修石室無窮業長保雲山自在身鼓山今夜梅花白猿鶴山中待歸客十年看築草堂成更種木奴奴八百 甲申秋月奉懷越師主講天津云主張北學待何人破例春風到海濱老愛蘭陵為祭酒世傳高密是經神道尊上相皆嚴事日久門人遇益親更憶浙西精舍好東遊興與欲抽身 星郎鍾戶十年餘時章元文賦子虛倚頓何如素丞相楊枝能事白倚書文章富麗新編集坊巷草堂舊賞

小說

黑面塔(冷譯)

是時衆賊似信不信又各處搜查一次雪姬只不理忽有三四賊同聲云

味呼味呼(猶云沒有沒有)咿咿(猶云去罷)

雪姬仍危坐不動忽有一賊手指地下呼曰

也赫魯(猶云在此在此)

蓋九賊雖形如禽獸然已通人性寢室地毯之上印有男子足跡一時思促不及掃除故被看破登時又搜索

是時衆賊滿屋亂搜漸近床畔前後左右無不經目雪姬心中甚恐余在被中知事已急自歎余今休矣雪姬休矣

忽一賊將至床上搜去揮手命雪姬下床雪姬不應賊怒將床沿一拍忽然牀沿機發大震一聲宛如天地崩陷床前兩賊拋擲數丈之外余趁勢往門旁一躍疾奔而出時天色微明不辨東西見路即走幸脫虎口不知忽又誤入歧途

是時余在前逃賊仍後追除兩賊跌昏外其餘七賊仍不肯捨鎗子連發如雨從後射至幸余疾走未至被獲(未完)

本埠出口貨物總數

(西十一月月份)

呢毛七千五百八十四担	羊毛三萬九千七百一十二担
山羊毛一千一百三十九担	白草帽一千一百三十五担
小羊毛一千一百三十九担	花草帽一千一百三十五担
山羊毛七千八百九十九担	羊皮一千零二十二張
羊皮一萬張	狗皮十二張
熊皮一萬張	虎皮一萬張
馬鬃尾共一千零五十九担	長鬚鬚七千零六担
山羊毛五千一百四十五條	羊皮五千三百四十四條
羊皮統五千六十一件	小羊皮統五千三百二十八件
貓皮統一萬零三百五十八件	貓皮統一萬零三百五十八件
狗毛五千二百一十二担	貂皮一萬張
犀牛角一担	象牙一担
磁器未詳	古玩未詳
熟山羊皮二千四百七十二張	生山羊皮未詳
狗皮未詳	狐皮未詳
鼠皮未詳	馬皮未詳
草蓆二萬二千二百張	馬皮五千三百三担
山羊毛五千五百條	雜貨值一千七百五十兩

天津輪船十一月十九日上午九點開行
阿拉巴瑪(Alabama)輪船
盛京輪船十一月十九日停泊塘沽

